

Na osnovu tačke 2.1. Kodeksa korporativnog upravljanja JP Elektroprivreda Bosne i Hercegovine d.d. – Sarajevo u nastavku se daje Izjava o usklađenosti postupanja sa Kodeksom korporativnog upravljanja u 2014. godini. Izjava o usklađenosti postupanja sa Kodeksom korporativnog upravljanja u 2014. godini je dio Izvještaja o poslovanju JP Elektroprivreda BiH d.d. – Sarajevo za 2014. godinu (str.10,11 i 12/46) koji je usvojen na Trideset i petoj Skupštini JP Elektroprivreda BiH d.d. – Sarajevo, održanoj dana 25.06.2015. godine.

IZJAVA O USKLAĐENOSTI POSTUPANJA SA KODEKSOM KORPORATIVNOG UPRAVLJANJA U 2014. GODINI

Društvo je u 2014. godini pratilo i u bitnom dijelu primjenilo sve preporuke utvrđene Kodeksom korporativnog upravljanja JP Elektroprivreda BiH d.d. – Sarajevo, broj SD-7863/12-25/3 od 20.04.2012. godine. U Kodeksu korporativnog upravljanja JP Elektroprivreda BiH d.d. - Sarajevo uvažene su specifičnosti koje proizilaze iz činjenice da je Društvo javno preduzeće, na koje se primjenjuje i Zakon o javnim preduzećima u Federaciji BiH.

U 2014. godini su blagovremeno izvršavane sve obaveze koje se odnose na objavu informacija predviđenih Kodeksom korporativnog upravljanja JP Elektroprivreda BiH d.d. – Sarajevo i Pravilnikom o objavljivanju informacija i izvještavanju na tržištu vrijednosnih papira (Službene novine FBiH broj 35/13). U toku je izrada dodatnih procedura i uspostava mehanizama u postupanju sa povlaštenim informacijama (tačka 2.5. Kodeksa korporativnog upravljanja JP Elektroprivreda BiH d.d. – Sarajevo).

JP Elektroprivreda BiH d.d. – Sarajevo je dioničko društvo i prema listi dioničara JP Elektroprivreda BiH d.d. – Sarajevo je na dan 31.12.2014. godine imala 2.576 dioničara. Prvih deset dioničara su:

Redni broj	Dioničar	Broj dionica	Udio (%)
1.	Federalno ministarstvo energije, rudarstva i industrije („drž.vla“)	28472181	90.3691
2.	ZIF „Big – Investiciona grupa“ d.d. Sarajevo	647820	2.0561
3.	ZIF HERBOS FOND d.d. Mostar	210800	0.6691
4.	ZIF „Naprijed“ d.d. Sarajevo	202128	0.6415
5.	ZIF „prevent INVEST „ d.d. Sarajevo	183426	0.5822
6.	ZIF CROBIH FOND d.d. Mostar	182354	0.5788
7.	Raiffeisen BANK d.d. Bosna i Hercegovina	154776	0.4913
8.	UniCredit bank d.d. Mostar	151896	0.4821
9.	ZIF „BONUS“ d.d. Sarajevo	150704	0.4783
10.	ZIF „MI – GROUP“ d.d. Sarajevo	111542	0.3540

Društvo je u 2014. godini održalo četiri Skupštine Društva. Obavještenja o sazivanju Skupštine Društva su objavljivana u dnevnim novinama i web stranici Društva. Materijali za Skupštinu Društva su objavljivani na web stranici Društva, kao i donesene odluke na Skupštini.

Nadzorni odbor se sastoji od sedam članova, koje je izabrala Skupština Društva na Dvadeset i drugoj Skupštini Društva, održanoj 26.08.2011. godine, na period od četiri godine od dana imenovanja. Šest članova Nadzornog

odбора je imenovano na prijedlog većinskog vlasnika (državni kapital), a jedan član je imenovan na prijedlog privatnog kapitala – malih dioničara. Umjesto člana Nadzornog odbora Sanela Buljubašića (kojeg je Skupština Društva razriješila dana 31.01.2013. godine, radi podnošenja ostavke), Trideset i prva Skupština Društva, održana 29.05.2014. godine je za člana Nadzornog odbora imenovala Nedžada Bukvara. Od tada Nadzorni odbor djeluje u slijedećem sastavu:

1. dr.sci. Enver Agić, dipl.ing. el,
2. mr.sci. Jakub Dinarević, dipl.ing.rudarstva,
3. dr.sci. Barhudin Šarić, dipl.ing.mašinstva,
4. Selvedin Subašić, dipl.ing.el.,
5. Davorin Korać, dipl.oec.,
6. Fejsal Hrustanović, dipl.oec.,
7. Nedžad Bukvar, dipl. oec.

Niti jedan član Nadzornog odbora nije dioničar Javnog preduzeća Elektroprivreda Bosne i Hercegovine d.d. - Sarajevo i nema u vlasništvu dionice/udjele u društvima koja se mogu smatrati konkurentskim društvima Javnom preduzeću Elektroprivreda Bosne i Hercegovine d.d. - Sarajevo

Nadzorni odbor nadzire poslovanje Društva i radi na osnovu Zakona o privrednim društvima, Zakona o javnim preduzećima, Statuta Društva i Poslovnika o radu Nadzornog odbora. U toku 2014. godine održano je jedanaest redovnih sjednica i pet vanrednih sjednica Nadzornog odbora.

Odbor za reviziju se sastoji od tri člana, koje je, na prijedlog Nadzornog odbora JP Elektroprivreda BiH d.d. – Sarajevo, imenovala Skupština Društva na Dvadeset i petom zasjedanju, održanom dana 20.04.2012. godine u slijedećem sastavu:

1. Sadija Sinanović, dipl.oec., predsjednik,
2. Dr. Mirsad Kikanović, dipl.oec., član,
3. Suljo Kasapović, dipl.oec.,član.

Članovi Odbora za reviziju nemaju u vlasništvu dionice/udjele u društvima koja se mogu smatrati konkurentskim društvima Javnom preduzeću Elektroprivreda Bosne i Hercegovine d.d. – Sarajevo.

Saglasno obavezi iz Zakona o javnim preduzećima, Odbor za reviziju podnosi Nadzornom odboru mjesečne izvještaje o svom radu. Tokom 2014. godine Odbor za reviziju je održao 23 sjednice.

Uprava Društva se sastoji od sedam članova, koju je imenovao Nadzorni odbor Društva na sjednici održanoj 01.09.2011. godine, na period od četiri godine. U 2014. godini Edin Mujagić, Izvršni direktor za ekonomske poslove sporazumno je razriješen dužnosti i za vršioca dužnosti Izvršnog direktora za ekonomske poslove je imenovan Edib Bašić. Uprava Društva djeluje u sastavu:

1. dr. Elvedin Grabovica, dipl.oec. - Generalni direktor,
2. Senad Sarajlić, dipl.ing.rud. - Izvršni direktor za proizvodnju,
3. Admir Anđelija, dipl. ing. el. - Izvršni direktor za distribuciju,
4. mr.sci. Mirsad Šabanović, dipl.ing.el. - Izvršni direktor za snabdijevanje i trgovinu,
5. Edib Bašić, dipl.oec. – v.d. Izvršnog direktora za ekonomske poslove,
6. Mensura Zuka, dipl.pravnik - Izvršni direktor za pravne i kadrovske poslove,
7. mr.sci. Amil Kamenica, dipl.ing.el. - Izvršni direktor za kapitalne investicije.

Članovi Uprave nisu dioničari JP Elektroprivreda Bosne i Hercegovine d.d. – Sarajevo. Niti jedan član Uprave nema u vlasništvu dionice/udjele u društvima koja se mogu smatrati konkurentskim društvima Javnom preduzeću Elektroprivreda Bosne i Hercegovine d.d. – Sarajevo. Uprava organizuje rad i rukovodi poslovanjem i vodi poslove Društva saglasno pozitivnim propisima, Statutu Društva i Poslovniku o radu.